



PROGRAM
UTROŠKA BUDŽETSKIH SREDSTAVA ZA 2020. GODINU
(Subvencije privatnim preduzećima i poduzetnicima-ESCROW)

Zenica, april 2020. godine

PROGRAM
utroška budžetskih sredstava u 2020. godini
(Subvencije privatnim preduzećima i poduzetnicima-ESCROW)

I UVOD

Pravni osnov za donošenje Programa utroška budžetskih sredstava u 2020. godini–Subvencije privatnim preduzećima i poduzetnicima-ESCROW nalazi se u članu 28, stav 1. i članu 45, stav 1. Zakona o izvršavanju budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19) i odredbama Zakona o poticanju razvoja male privrede („Službene novine Zeničko-dobojskog kantona“, broj: 07/16) i Zakona o dopuni Zakona o poticanju razvoja male privrede, broj: 01-02-5375/20 od 10.04.2020. godine.

Program je donesen po osnovu člana 10a. Zakona o poticanju razvoja male privrede kojim je definisano da se u izuzetnim okolnostima nastalim uslijed stanja prirodne nesreće, epidemije, pandemije, elementarne nepogode, finansijska sredstva Ministarstva za privredu namjenjena za poticanje razvoja male privrede mogu koristiti za pomoć i saniranje nastalih posljedica u poslovanju male privrede, a kao vid poticaja privredi na području Zeničko-dobojskog kantona. Obzirom da je na snazi Odluka Vlade FBiH o proglašenju nesreće uzrokovane pojavom koronavirusa (COVID 19) na području Federacije BiH, broj: 408/2020 od 16.03.2020. godine, Ministarstvo za privredu raspoloživa finansijska sredstva planira u svrhu pomoći i saniranja nastalih posljedica u poslovanju male privrede.

II IZVOR FINANSIRANJA

Budžetom Zeničko-dobojskog kantona za 2020. godinu, („Službene novine Zeničko-dobojskog kantona“, broj: 24/19), planirana su finansijska sredstva, ekonomski kod 614500–Subvencije privatnim preduzećima i poduzetnicima u iznosu od **2.370.067,72 KM**.

III ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Programa rada Ministarstva za privredu i Programa rada Vlade Zeničko-dobojskog kantona, Ministarstvo za privredu je planiralo utrošak sredstava u iznosu od **2.370.067,72 KM**.

Utrošak sredstava u iznosu od **1.760.000,00 KM** planiran je za subvencioniranje najniže neto plate na nivou Federacije i to za djelatnosti kojima je naredbama Federalnog štaba civilne zaštite i Kriznog štaba FBiH zabranjen rad od marta, 2020. godine (u daljem tekstu: djelatnostima) pa nadalje.

Utrošak sredstava u iznosu od **40.000,00 KM** planiran je za subvencioniranje obračunate kamate za 2020. godinu po kreditima odobrenim u 2020. godini u okviru kreditno-garancijskog fonda Vlade Zeničko-dobojskog kantona.

Iznos od **360.000,00 KM** (20% od 1.800.000,00 KM) namjenjen je za zakonom utvrđene obaveze sanacije i osiguranja osnovnog kapitala fonda Federalnog zavoda za penziono i invalidsko osiguranje.

Utrošak sredstava u iznosu od **200.067,72 KM** predviđen je za neisplaćene poticaje za 2019. godinu za razvoj turističke infrastrukture.

Utrošak sredstava u iznosu od **10.000,00 KM** predviđen je za neisplaćene poticaje za 2019. godinu za subvencioniranje administrativnih troškova kod pokretanja poslovnih ideja i registracije privrednih subjekata.

1. SUBVENCIONIRANJE NAJNIŽE NETO PLATE NA NIVOU FBiH

Iznos: 1.760.000,00 KM

Indikator: Očuvanje postojećih radnih mjesta

Svrha: Djelatnostima će se subvencionirati: 1) dio najniže neto plate na nivou FBiH za mart, 2020. godine, 2) stopostotni iznos najniže neto plate na nivou FBiH za april, 2020. godine do utroška raspoloživih sredstava ovog Programa, pod uslovom da nisu otpustili radnike. U slučaju nedostatka sredstava za subvencioniranje najniže neto plate za april, 2020. godine po svim urednim podnesenim zahtjevima, isti će se subvencionirati po osnovu Programa utroška budžetskih sredstava koji će se usvojiti za poziciju „Saniranje štete u privredi uzrokovanih pandemijom COVID-19“.

Organizacija-primatelj: Pravna i fizička lica sa registriranim šiframa djelatnosti kojima je naredbama Federalnog štaba civilne zaštite i Kriznog štaba FBiH zabranjen rad, a prema kriterijima utvrđenim javnim pozivom.

Kriteriji: Prema Javnom pozivu.

2. SUBVENCIONIRANJE KAMATE ZA 2020. GODINU PO KREDITIMA ODOBRENIM U 2020. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA

Iznos: 40.000,00 KM

Indikator: Osiguranje likvidnosti malih i srednjih privrednih društava, očuvanje radnih mjesta

Svrha: Subvencionirat će se ukupan iznos obračunate kamate za 2020. godinu na kredite malih i srednjih privrednih društava u Projektu „Osnivanje Kreditno-garancijskog fonda Vlade Zeničko-dobojskog kantona“ koji su odobreni u 2020. godini po osnovu Javnog poziva za podnošenje zahtjeva za odobravanje kredita namjenjenih poslovnim aktivnostima privrednih društava na području Zeničko-dobojskog kantona koji se realizira preko ASA banke.

Organizacija-primatelj: Mala i srednja privredna društva registrovana na području Zeničko-dobojskog kantona, privredna društva koja namjeravaju započeti sa radom na području Zeničko-dobojskog kantona, tj. pokrenuti ili razviti poduzetničku aktivnost registrovanu na području Zeničko-dobojskog kantona.

Kriteriji: Prema Javnom pozivu i odlukama Vlade.

3. NEISPLAĆENI POTICAJI ZA 2019. godine za RAZVOJ TURISTIČKE INFRASTRUKTURE

UKUPAN IZNOS: 200.067,72 KM

Temeljem Javnog poziva za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju projekata izgradnje i obnove javne turističke infrastrukture, po osnovu uredno pristiglih zahtjeva, odobreno je 12 zahtjeva sa priloženim projektima po kojim se uvidjelo da sva tražena sredstva za realizaciju ne prelaze finansijska sredstva planirana Programom utroška budžetskih sredstava za 2019. godinu, stoga je Vlada Kantona donijela Odluku za odobravanje i dodjelu finansijskih sredstava namjenjenih

subvencioniranju projekata izgradnje i obnove javne turističke infrastrukture, u ukupnom iznosu od 282.434,57 KM, broj: 02-14-15933/19 od 25.10.2019. godine.

Nakon toga, došlo je do potpisivanja Ugovora između Korisnika sredstava i Ministarstva za privredu/gospodarstvo kojim su definirane obaveze, a to su:

Korisnik sredstava se obavezuje da će:

1. odobrena sredstva koristiti namjenski u skladu sa dostavljenim zahtjevom i aktivnostima koje su detaljno opisane u Projektu iz člana 2. Ugovora;
2. u roku od 9 (devet) mjeseci od dana potpisivanja Ugovora sa Ministarstvom: sistemom javnih nabavki odabrati najboljeg ponuđača za izvođenje radova/nabavku roba, formirati Komisiju za provođenje javne nabavke u kojoj će biti i predstavnik Ministarstva, okončati sve aktivnosti i radove/nabavku roba u skladu sa Projektom i dostaviti Ministarstvu dokumentaciju iz tačke (4), (5) i (6) ovog člana;
3. pridržavati se svih aktivnosti i ciljeva predviđenih Projektom i Ugovorom prilikom utroška sredstava;
4. dostaviti Ministarstvu privremenu situaciju (obračun djelomično izvedenih radova/nabavljene robe) ovjerenu od strane izvođača/isporučioca i vršioca nadzora radova/nabavke robe koja sadrži: broj i datum Ugovora potpisanog sa Ministarstvom, ugovorenu vrijednost radova/roba, vrijednost djelimično izvedenih radova/nabavljene robe, iznos PDV-a i ukupnu vrijednost. Vršioica nadzora radova/nabavke robe imenuje Korisnik sredstava. U prilogu privremene situacije, Korisnik sredstava obavezno dostavlja predmjer i predračun radova/specifikaciju isporučene robe koji sadrži: vrste i opis radova/roba, iskazane vrijednosti pojedinačno za sve pobrojane vrste radova/robe sa iskazanom jediničnom i ukupnom vrijednošću, iznos PDV-a i ukupnu vrijednost. Ukoliko je vrijednost Projekta veća od iznosa odobrenih sredstava iz člana 3. Ugovora, Korisnik sredstava je obavezan na privremenoj i okončanoj situaciji te predmjeru i predračunu radova/specifikaciji isporučene robe jasno naznačiti vrijednost učešća vlastitih sredstava te vrijednost učešća sredstava od strane Ministarstva. Uz navedenu dokumentaciju, Korisnik sredstava dostavlja Ministarstvu dokaz o izvršenoj uplati izvođaču radova/isporučiocu roba (uplatnica i izvod banke) i fakturu za izvršene radove/isporučenu robu u istom iznosu kao što je iznos koji je naveden na privremenoj situaciji;
5. dostaviti Ministarstvu okončanu situaciju (obračun preostalih izvedenih radova/nabavljene robe nakon privremene situacije) ovjerenu od strane izvođača/isporučioca i vršioca nadzora radova/nabavke robe koja obavezno sadrži: broj i datum Ugovora potpisanog sa Ministarstvom, ugovorenu vrijednost radova/roba, vrijednost izvedenih radova/nabavljene robe po dostavljenoj privremenoj situaciji, vrijednost preostalih izvedenih radova/nabavljene robe, iznos PDV-a i ukupnu vrijednost. U prilogu okončane situacije, Korisnik sredstava obavezno dostavlja predmjer i predračun radova/specifikaciju isporučene robe koji sadrži: vrste i opis radova/roba, iskazane vrijednosti pojedinačno za sve pobrojane vrste radova/robe sa iskazanom jediničnom i ukupnom vrijednošću, iznos PDV-a i ukupnu vrijednost. Uz navedenu dokumentaciju, Korisnik sredstava dostavlja Ministarstvu dokaz o izvršenoj uplati izvođaču radova/isporučiocu roba (uplatnica i izvod banke) i fakturu za izvršene radove/isporučenu robu u istom iznosu kao što je iznos koji je naveden na okončanoj situaciji;
6. ukoliko je ukupna vrijednost radova/roba do 10.000,00 KM sa PDV-om, Korisnik sredstava je obavezan dostaviti samo okončanu situaciju, predmjer i predračun radova/specifikaciju isporučene robe, dokaze o izvršenoj uplati i fakturu za izvršene radove/isporučenu robu na način opisan u tački 5. ovog člana, s tim da vršioca nadzora radova/nabavke robe imenuje Korisnik sredstava;

7. pismeno obavijestiti Ministarstvo o problemima koji su od posebnog značaja za realizaciju ciljeva Projekta ili nepovoljnim uslovima koji mogu uticati na kašnjenje i potpunu obustavu realizacije Projekta ili ako odustane od realizacije Projekta u roku od 5 (pet) dana od nastanka navedenih okolnosti;
8. da, ukoliko zbog opravdanih razloga nije u mogućnosti ispoštovati rok i obaveze koje su utvrđene u tački (2) ovog člana, o tome pismeno obavijesti Ministarstvo 30 (trideset) dana prije isteka roka iz tačke (2) i zatraži produženje roka;
9. omogućiti aktivno praćenje realizacije Projekta u svako doba po pismenoj najavi predstavnika Ministarstva, što podrazumjeva posjetu na licu mjesta u vezi sa projektnim aktivnostima;
10. u roku od 30 (trideset) dana nakon realizacije Projekta odnosno od dana primopredaje radova/ispоруke robe, dostaviti Ministarstvu Izvještaj o realizaciji Projekta koji sadrži: kratki opis svih preduzetih aktivnosti od strane Korisnika, podatke o provedenoj javnoj nabavi, vrijednosti privremene i/ili okončane situacije i finansijski izvještaj (rekapitulaciju);
11. pridržavati se i poštivati sve pozitivne zakonske propise prilikom realizacije Projekta;
12. ukoliko dođe do raskida Ugovora, izvršiti povrat uplaćenih sredstava Ministarstvu, ukoliko su ista uplaćena Korisniku sredstava.
13. po završetku radova postavi samostojeću tablu na vidnom mjestu odnosno mjestu implementacije Projekta, dimenzija 50x40 u skladu sa uzorkom koji je objavljen na službenoj stranici Zeničko-dobojskog kantona, Ministarstva za privredu.

Ministarstvo se obavezuje da će:

1. izvršiti uplatu odobrenih sredstava Korisniku u skladu sa dostavljenom privremenom i okončanom situacijom i ostalom dostavljenom dokumentacijom prema članu 4, tačkama (4), (5) i (6), kada Komisija koju je imenovalo Ministarstvo (u daljem tekstu: Komisija) da saglasnost za realizaciju;
2. vršiti kontrolu utroška odobrenih sredstava i nadzor nad realizacijom projektnih ciljeva u skladu sa Ugovorom putem Komisije;
3. poduzeti sve zakonom propisane mjere za povrat uplaćenih sredstava, ukoliko su ista uplaćena, ako Korisnik sredstava ne ispuni obaveze iz člana 4. Ugovora;
4. ukoliko Ministarstvo ocijeni da su razlozi koje je Korisnik sredstava pismeno obrazložio u skladu sa članom 4, tačka (8) opravdani, pismeno odobriti produženje roka, ali najduže do 30 (trideset) dana računajući od isteka roka iz člana 4, tačka (2) Ugovora.

Zbog procedura preciziranih u Javnom pozivu i Ugovoru, te procedurom javnih nabavki nije se moglo doći do realizacije, odnosno isplata finansijskih sredstava, stoga su sva neisplaćena i odobrena finansijska sredstva uvrštena u Program utroška finansijskih sredstava za 2020. godinu u sljedećem tabelarnom prikazu:

RB	Naziv korisnika projekta	Odobreni iznos (KM)
1	MZ Izbod bb, Breza	15.000,00
2	Općina Zavidovići, Safvet-bega Bašagića, Zavidovići	15.000,00
3	Općina Olovo, Branilaca bb, Olovo	80.000,00
4	Fondacija ARHEOLOŠKI PARK BOSANSKA PIRAMIDA SUNCA Visoko, ul. Ravne bb Visoko	28.848,57
5	Općina Kakanj, Branilaca, Kakanj	50.000,00
6	MZ "MRKOTIĆI" Jelah - Tešanj, Mrkotići 172, Tešanj	6.051,90
7	Odred Izviđača Visoko, ul. Bijela džamija br. 16, Visoko	5.000,00
8	UG Planinarsko društvo Bobovac Kakanj, ULOsmana Džafića P+3, Kakanj	167,25
UKUPNO:		200.067,72

4. NEISPLAĆENI POTICAJI ZA 2019. godinu za SUBVENCIONIRANJE ADMINISTRATIVNIH TROŠKOVA KOD POKRETANJA POSLOVNIH IDEJA I REGISTRACIJE PRIVREDNIH SUBJEKATA

UKUPAN IZNOS: 10.000,00 KM

Temeljem Javnog poziva za prikupljanje zahtjeva za odobravanje i dodjelu sredstava poticaja namijenjenih programu podrške fizičkim licima i registriranim obrtima sa područja Zeničko-dobojskog kantona za učešće u programu subvencioniranja administrativnih troškova kod pokretanja poslovnih ideja i registracije privrednih subjekata odobreno je 10 zahtjeva sa priloženim projektima po kojim se uvidjelo da sva tražena sredstva za realizaciju ne prelaze financijska sredstva planirana Programom utroška budžetskih sredstava za 2019. godinu, stoga je Vlada Kantona donijela Odluku za odobravanje i dodjelu finansijskih sredstava namijenjenih programu podrške fizičkim licima i registriranim obrtima sa područja Zeničko-dobojskog kantona za učešće u programu subvencioniranja administrativnih troškova kod pokretanja poslovnih ideja i registracije privrednih subjekata, u ukupnom iznosu od 100.000,00 KM, broj: 02-14-17297/19 od 22.11.2019. godine.

Nakon toga, došlo je do potpisivanja Ugovora između Korisnika sredstava i Ministarstva za privredu/gospodarstvo kojim su definirane obaveze, a to su:

Korisnik sredstava se obavezuje da će:

- realizovati Projektu ideju u roku od 6 mjeseci od datuma uplate sredstava Ministarstva;

- dostaviti Ministarstvu kopiju Rješenja o registraciji privrednog subjekta i uvjerenje od banke o otvorenom transakcijskom računu;
- dodijeljena sredstva namjenski utrošiti u skladu sa Javnim pozivom i Projektnom idejom odnosno sa opisom troškova iz okvirnog budžeta koji je sastavni dio ideje;
- da bez odgađanja obavijesti Ministarstvo o svakoj izmjeni podataka koji su navedeni u Ugovoru;
- dostaviti dokaze o utrošku sredstava i to:
 - za troškove registracije privrednog subjekta dokaznu dokumentaciju koja uključuje: registraciju privrednog subjekta-odobrenje za rad ili rješenje o upisu u sudski registar sa fotokopijom računa za troškove nastale u postupku registracije djelatnosti, a u skladu sa prihvatljivim troškovima iz Javnog poziva (troškovi notarske obrade dokumenata, sudske i administrativne takse, izradu pečata firme, advokatske usluge, troškovi kopiranja i ovjeravanja dokumenata i sl.);
 - za troškove kupovine proizvodnih mašina i opreme neophodne za otpočinjanje poslovanja (npr. nabavka fiskalne kase, nabavka potrebne opreme i mašina za proizvodnju i sl.), dokaznu dokumentaciju koja uključuje: račune izdate na ime registrovanog poslovnog subjekta/Korisnika sredstava i bankovni izvod kao dokaz uplate računa;
 - za troškove opremanja i rekonstrukcije prostora koji će biti korišten u proizvodne svrhe dokaznu dokumentaciju koja uključuje: račune izdate na ime registrovanog poslovnog subjekta i bankovni izvod kao dokaz uplate računa;
- dostaviti dokaze o utrošku sredstava najkasnije u roku od 6 mjeseci od datuma uplate sredstava Ministarstva;
- zadržati vlasništvo nad materijalnom ili nematerijalnom opremom nabavljenom kao rezultat realizacije odobrenih sredstava, tj. ne smije prodati, otuđiti, prebaciti ili na bilo koji drugi način izvršiti transfer nad vlasništvom nabavljenih stvari prema trećim fizičkim i pravnim licima tokom razdoblja od 12 mjeseci od dana potpisivanja Ugovora;
- registrovanu djelatnost održati aktivnom minimalno 12 mjeseci od dana potpisivanja Ugovora, što će biti predmetom kontrole od strane Ministarstva;
- po najavi predstavnika Ministarstva omogućiti kontrolu realizacije preuzetih obaveza iz Ugovora;
- dostaviti Izvještaj o namjenskom utrošku sredstava i implementaciji Projektne ideje (u daljem tekstu: Izvještaj) koji treba pokriti cijeli period trajanja Ugovora u roku od 6 mjeseci od datuma uplate sredstava Ministarstva;
- da, ukoliko zbog opravdanih razloga nije u mogućnosti realizovati Projektну ideju, ispoštovati rok utroška i pravljanja sredstava ili dostaviti Izvještaj u roku od 6 mjeseci od datuma uplate sredstava Ministarstva, o tome pismeno obavijesti Ministarstvo 10 (deset) dana prije isteka roka i zatražiti produženje roka. Ukoliko Ministarstvo ocijeni da su razlozi koje je Korisnik sredstava obrazložio opravdani, pismeno će odobriti produženje roka, ali najduže do 45 (četrdesetpet) dana računajući od isteka roka iz alineje (1) ovog člana.

Ministarstvo se obavezuje da će:

- nakon zaključenja Ugovora između Korisnika sredstava i Ministarstva i dostavljanja dokaza o registraciji privrednog subjekta i uvjerenja od banke o otvorenom transakcijskom računu, izvršiti isplatu odobrenih novčanih sredstava na transakcijske račune registrovanih privrednih subjekata;
- pružiti stručnu mentorsku podršku i praćenje implementacije Projektne ideje tokom najmanje prvih 6 mjeseci poslovanja. Stručnu mentorsku podršku u ime Ministarstva će pružiti Regionalna razvojna agencija za regiju Centralna BiH (REZ d.o.o. Zenica) najmanje tokom prvih 6 mjeseci poslovanja u ukupnom trajanju od 5 dana po aplikantu. Podrška obuhvata, ali

- se ne ograničava na poslovno savjetovanje iz oblasti proizvodnje, marketinga, poslovnih finansija, ljudskih resursa, prodaje i sl;
- vršiti kontrolu utroška odobrenih sredstava i vršiti nadzor nad realizacijom projektnih ciljeva u skladu sa Ugovorom;
 - poduzeti sve zakonom propisane mjere za povrat uplaćenih sredstava, ukoliko su ista uplaćena, ako Korisnik sredstava ne ispuni obaveze iz člana 4. Ugovora.

Zbog procedura preciziranih u Javnom pozivu i Ugovoru, nije se moglo doći do realizacije, odnosno isplata finansijskih sredstava, stoga su sva neisplaćena i odobrena finansijska sredstva uvrštena u Program utroška finansijskih sredstava za 2020. godinu u sljedećem tabelarnom prikazu:

KORISNICI - FIZIČKA LICA			
R. br.	KORISNIK	ADRESA	IZNOS ODOBR. POTIC. /KM/
1.	Kasema Šabanović	Čurukovića put, Zenica	10.000,00
UKUPNO:			10.000,00

REKAPITULACIJA

Rb	NAZIV PROGRAMA	Iznos sredstava /KM/
1.	SUBVENCIONIRANJE NAJNIŽE NETO PLATE NA NIVOU FBiH	1.760.000,00
2.	SUBVENCIONIRANJE KAMATE ZA 2020. GODINU PO KREDITIMA ODOBRENIM U 2020. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA	40.000,00
3.	NEISPLAĆENI POTICAJI ZA 2019. g. za RAZVOJ TURISTIČKE INFRASTRUKTURE	200.067,72
4.	NEISPLAĆENI POTICAJI ZA 2019. g. za SUBVENCIONIRANJE ADMINISTRATIVNIH TROŠKOVA KOD POKRETANJA POSLOVNIH IDEJA I REGISTRACIJE PRIVREDNIH SUBJEKATA	10.000,00
5.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	360.000,00
UKUPNO:		2.370.067,72

Broj: 02-44-5463 /20

Datum, 14.04.2020. godine

Zenica

DOSTAVLJENO:

1x Ministarstvo za privredu,

1x Ministarstvo finansija,

1x a/a.



PREMIJER

Mirza Ganić